

玄覽堂叢書續集

第三十六冊

文選卷之四

大元大一統志卷第五百五十

奏進

集賢大學士資善大夫同知宣徽院事臣字蘭脰

昭文館大學士中奉大夫秘書監臣岳鉉等上進

葭州

官蹟

鄭文寶

真宗時爲河東轉運使李繼遷來圍麟

州州今併入神木文寶乘傳晨夜赴之遂解麟

州之圍宰相寇準謂其熟西事以爲陝

西轉運使文寶好以功名自任見宋史

武戡

嘉祐二年知麟州州自慶歷以來夏人盜耕屈野川兔毛川皆河西地莫能禁河東經畧使知太原府事龐籍戒邊將賊至歛兵毋與戰賊兵屯月餘食盡而去其年正月沒藏訛龐領兵及境欲自廊延以北盜耕屈野河西之田會國人
有與之異議者復抽其兵還然銀城以南侵耕自若蓋以其地外則蹊徑險隘多柏叢生漢兵難入內則平壤肥沃宜

粟卒故賊不忍陷於是藉檄通判司馬
光行邊至河西白草平數十里無賊
知州事武戡通判夏倚已築一堡爲候
望又與光議衆賊去出不意更增一堡
以據其可地使賊不復侵耕請地還白經
略使益禁兵三千役兵五百不過一旬
壁壘可成然後發臨戎臨塞二堡徹其
樓櫓徙其甲兵以實新堡列烽燧以通
警急徙牙城紅樓之土俯瞰其地猶指
掌也有急則州及橫陽堡出兵救之賊

來耕則驅之已種則蹂踐之賊衆盛則
入堡以避如是則堡外三十里之田賊
必不敢種是州西五十里之內無賊也
籍遂檄麟州如其議於是管勾麟府兵
馬郭恩及戡以巡邊爲名往按視會訶
者言賊屯沙叅浪亘十五里恩欲止而
走馬承受東頭供奉官黃道元河脅恩夜
行無復部伍賊舉火卧牛峯戡謂恩曰
賊已知吾曹出矣行至谷口恩欲休兵
曰須明乃過山道元曰幾年聞郭恩名

今乃懦怯恩愠曰不過死耳比明至忽
里堆賊數十人皆西走去數十步止恩
等踞胡床遣從騎以蕃語呼之不應俄
賊騎張左右翼自南北交至堆東有長
塹其中有梁謂之斷道塢恩等東據梁
口與之戰自旦至食時賊自西旁塹中
攀緣而上四面合擊恩衆大潰倚方在
紅樓見賊騎自西山大下與推官劉公
弼率城中諸軍閉門乘城堪趨城東扶
門以入恩與道元皆爲賊所執恩大罵

賊語不休遂自殺賊遣道元還詔贈恩
同州觀察使封其妻呂氏爲京兆郡君
官其子弟恩開封人也上遣御史按其
事籍坐不以築堡事聞改知青州久人
人以戲築堡爲是

張居

宋熙寧四年春以宗儀副使知麟州州
城井泉不足軍民汲於城外沙泉前後
郡守欲築城以包之而土多沙礫不果
焉居命鑿去舊土而城之築城成人以爲

便語聞詔遷西京左藏庫使神木等寨
官亦稟命鑿以泉濟居人

張亢

元昊叛以亢爲廊延路兵馬鈐轄徙并
代都鈐轄照應麟府等處兵甲是時夏
人圍麟府州屯琉璃堡縱遊騎擾邊麟府
閉壘不出亢至命開闢縱民出入時有
禁卒數千無鬪志乃募役卒取敢戰者
得數百人使擊賊有功以首級獻者亢
以錦袍衣之禁卒慙請効死亢度其可

用命擊破琉璃堡明年亢築建寧砦亢
使虎翼萬勝兩軍更其旗幟夏人來爭
亟趨萬勝而犯之遂大潰斬首二千級
不踰月遂築清塞百勝中候建寧鎮川
五砦而麟府之路始通出宋史

种諤

韓絳宣撫陝西諤時爲皇城副使知青
澗城絳召與計事命諤節制麟府兵委
以便宜招納築囉凡城二十九日而成
分兵守之諤還軍綏德其後夏人聚兵

入寇謬自綏德出塞至米脂城大敗夏
賊提書來謬進兵銀石夏州盡橫山
之地不見賊會班師乃還事見宋史

何灌

由武舉爲府州黃河東岸巡檢賈胡曠
有水泉子夏人常越境南汲灌慮其爲
邊患盡抑絕之夏人忿聚兵于山馳薄
官軍灌迎高射之發輒中或著崖石皆
沒鏃後三十年賊官蕭太師者會灌於
雄州言水泉子之戰歎何巡檢神射灌

曰灌是也累功遷內殿崇班宋史云

司馬朴

光猶子宏之子也朴初調晉寧軍士曹

參軍

晉寧即今
葭州也

通判不法轉運使王似

諷朴伺其過朴不可曰守貳爲長官使
下吏得陷之不唯亂常人且不食吾餘
矣死不敢奉教似賢而薦之靖康元年
黨禁解同判西京國子監明年春以兵
部郎死於節事見宋史

人物

張岳

府谷人也慶歷元年九月爲麟府路巡檢使與都巡檢王凱大敗夏賊于青眉浪又入兔毛川敗之岳初以賞爲牙將有膽畧善騎射天聖中西夏阿遇有子來歸阿遇寇麟州掠邊戶約送子然後歸所掠州遷其子而阿遇仍背約安撫使遣岳岳徑造帳中以逆順諭阿遇阿遇語屈阿遇抽佩刀貫大嚙嚙岳岳就刀食阿遇復弦弓張鏃指岳腹而噉岳

食不輟阿遇撫岳背曰真男子也遺岳
馬索馳歸所掠如故約岳時年十八名
動一軍是年元昊犯邊岳以教練使從
折斷閔破賊斬其軍主數保以功補三
班差使賊犯府州又大敗賊衆賊破豐
州岳與諸將一日數戰斬獲萬計邊禮
賓副使出宋史

朱昭

字彥明府谷人也初浮湛班行人無知
者後爲震威城監押會城主闕攝其事

金人陷忻代踰石嶺關圍太原夏人乘
虛入寇遂薄震威昭募蕃漢士得精銳
千餘分數隊夜薄賊營賊驚亂多所殺
獲震威距府谷三百里最孤遠諸城旣
下賊怒獨不得昭遂約金人併攻降將
有與昭故人者詰之曰天下事已矣忠
安所施昭罵曰汝旣背義偷生尚敢以
言誘我乎矢石亂下賊衆散走後二日
昭召諸軍議曰城將破妻子不可汙賊
手汝等幸先殺我家出城血戰而圖大

功不勝則暴骨吾境內大丈夫平生事
畢矣因盡殺其家人納之井中部將賈
宗望母過前昭呼曰媼我鄉人也吾不
欲手刃請自入井媼從之軍士有家屬
在城中者亦皆自殺昭因諭其衆曰我
與爾曹俱無累矣倘我先死汝有得脫
者願馳至府谷言狀會部落子陰與賊
通者告之曰朱昭與其衆各殺其妻子
將出戰人雖少皆死士也賊大恐以利
陷守陴者果得登城昭知之勒軍士於

通衢接戰自暮達旦尸填街不可前遂
於城所摧處躍馬出馬蹶墮城壕中賊
兵肆集雷譟曰得朱將軍矣賊始欲生
致昭昭瞋目仗劍無敢向者旣知不可
得天爭發昭罵賊死年四十六昭在震
威能與士卒同甘苦以是士心爭奮凡
被圍百日而城陷云

折可適

字遵正世爲府州刺史因家焉郭達帥
鄜延見之曰真將種也薦之試藝廷中